

Powšitkowne WOZJEWJENJA

njedźelu, 22. měrca 2015

Přiležnosć k swjatej spowědži w Róžeńce

pjatk, 27. měrca farar C. Hrjehor, farar M. Delerńk,
18.30 - 19.30 hodź. farar H. Morawietz
sobotu, 28. měrca farar M. Anders, farar W. Sćapan,
17.00 - 18.00 hodź. farar C. Hrjehor, farar D. Dzikiewicz
póndźelu, 30. měrca farar C. Hrjehor, farar D. Dzikiewicz,
18.30 - 19.30 hodź. farar B. Jakubaš, kapłan O. Gonda
wutoru, 31. měrca farar G. Wornar, farar M. Anders,
18.30 - 19.30 hodź. farar G. Nawka, farar J. Magiera

Hra „Wódny muž“ serbsko-česce

Na přeprošenje Chróšćanskeje dźiwadłoweje skupiny předstaji česka lajska dźiwadłowa skupina „Nepřijatni“ njedźelu, 22. měrca, w 16 hodź. na Krawčikec žurli w Chróšćicach inscenaciju „Wódny muž“. Hru je Ingrid Hustetowa spisała. Tuta předstaji so trojorěčnje: delnjoserbsce, hornjoserbsce a česce. Wšitcy zajimcy su přeprošeni, sej njewšědnu hru wobhladać.

Křižowy puć młodźiny we Worklecach

Dekanatna młodźina modli so křižowy puć bołmončku, njedźelu, 29. měrca, we Worklecach. Młodostni zetkaja so w 14 hodź. při pomniku za padnjonych wojakow srjedź wsy. Zakónčenje budže w Don Boskowym domje. Wšitcy młodostni su wutrobnje přeprošeni, křižowy puć sobu kročić. Kóžda wosadna młodźina njech přinjese prošu swoju dekanatnu młodžinsku chorhoj sobu.

Póstny wopor młodźiny

Póstny wopor młodźiny zběra so lětsa za rěčne kursy a trěbny wuwučowanski material za čekancow z krizowych kónčin, kotřiž přebywaja w Budyskim wokrjesu a wokrjesu Sakska Šwica. Nadrobniše informacije su we wuwěšku we wosadach podate. Wobalki za póstny wopor leža w cyrkwjach.

Zhromadny dzeń 1. a 2. lětnika

Pod hesłom „Jězus z mortwych stanył je, haleluja!“ zarjadyje dekanatne dušepastyrstwo pjatk, 10. apryla, wot 9.00 do 15.00 hodź. za džěci 1. a 2. lětnika zhromadny dzeń w Don Boskowym domje we Worklecach. Zajimcy njech so prošu hač do wutory, 7. apryla, pod telefonowym čisłom (03 57 96) 8 87 07 přizjewja. Za wudawki dnja zběra so wot kóždeho wobdźělnika přinošk, kotryž wučinja štyri eura.

Sobuskutkowanje na zjězdze katolikow 2016 přizjewić

Serbja móža so na wšelakore wašnje na klětušim 100. zjězdze katolikow Němskeje w Lipsku wobdźělić. Za koordinaciju je po dojednanju ze serbskimi duchownymi Towarstwo Cyrila a Metoda (TCM) přislušne. Wšitcy su přeprošeni, sobu wo tym rozmyslować, na kotre wšelake wašnje móhli Serbja na zjězdze zastupjeni być. Zajimcy abo skupiny njech wobroća so na TCM, telefonowe čisło (0 35 91) 55 02 10. Při tym měli pomyslić, zo zapřija termin zjězda wot 25. do 29. meje 2016 swjedzeń Božeho ćěla.

„Wo rizikach a pódlanskich wuskutkach na strowotu“

Na lóštne a satiriske wašnje budže dr. Manfred Lütz z Kölna štwórtk, 26. měrca, w 19.30 hodž. w awli Benoweho gymnazija w Drježdžanach, Pillnitzska dróha 39, k temje „Žiwjenske wjeselo – wo rizikach a pódlanskich wuskutkach na strowotu“ přednošować. Na tutym wječoru póndže wo powšitkowny kult a wěstu blaznosć hladajo na strowotu, fitnes a rjanosć. Dr. Lütz ma to za hlúpe, napinace, smjercdrohe a žiwjenju njetyjace. Studowany medicinar, filozof a katolski teologa je jako wótromyslly a žortny diskusijny partner, přednošowar a kabaretist jara požadany.

Putniska jězba z busom do Mariazella

Mariazell w Awstriskej je hłowny cil našeje putniskeje jězby. Nimo toho chcemy wulkotny benediktinski klóšter Melk nad Dunajom, Narodny park Gesäuse a klóšter Admont wopytać. Předwidžane je tohorunja, zo wobhladamy sej z łódže luboznu krajinu Wachau a zo přebywamy w uniwersitnym městačku Krems. Přenocujemy stajnje w Mariazellu. Jězba wotměje so wot póndže do soboty, 12. do 17. oktobra. Přizjewić móžeće so pola Šmitec w Radworju, telefonowe čisło (03 59 35) 28 60.

T. Kubašec

Do Fatimy z busom

Pytam dale za zajimcami, kiž bychy rady hnadowne městno Fatimu wopytali, ale z lětađom njeleća. Tutu putnisku jězbu bychmy za klětu planowali. Wona budže dwanaće dnjow trać. Zajimcy njech so prošu pola mje pod telefonowym čislom (03 59 35) 2 04 25 přizjewja.

T. Kubašec

Putniske jězby do Proveny a Fatimy

Lětuša putniska jězba z busom powjedže nas wot štwórtka do štwórtka, 14. do 21. meje, do Italskeje a Francoskeje. Podamy so na kołojězbu k jězorej Lago Maggiore, italskej riviery, Cote d'Azur a do francoskeje Proveny. Mjez druhim wobhladamy sej města Nizza a Monaco, Aix en Provence, Avignon a Nimes a wopytamy znate putniske městno Les Saintes Maries de la Mer w Camargue.

Pućowanski běrow A-Teams ze Šerachowa organizuje putnisku jězbu z lětađom wot pjatka hač do pjatka, 11. do 18. septembra, do Santiaga de Compostela a Fatimy. Nadrobne informacije k tutym putniskim jězbam dóstanu zajimcy pod telefonowym čislomaj (01 63) 7 33 82 05 a (03 57 96) 9 54 28 (po 19 hodž.) abo pola mje w Hórkach, Sydlíšcowy puć 2.

Maćij Hadank

